



ENplus (<http://www.enplus-pellets.eu>) je certifikacijska šema za kvalitet drvenih peleta koja se primjenjuje u cijeloj EU, a zasniva se na ISO standardu ISO 17225-2. Cilj ENplus certifikacijske šeme za drvene pelete je osigurati snabdijevanje drvenim peletima za grijanje stambenih, poslovnih i javnih zgrada jasno definisanog i konstantnog kvaliteta. ENplus obuhvata cijeli lanac snabdijevanja drvenim peletima: od lanca proizvodnje do isporuke drvenih peleta samim krajnjim korisnicima.

Ključne komponente certifikacijske šeme su:

- Definisanje klasa kvaliteta i specifikacija karakteristika drvenih peleta
- Odredbe o upravljanju kvalitetom rada proizvođača peleta, trgovaca i pružalaca usluga
- Zahtjevi u pogledu deklaracije proizvoda i korištenja certifikacijskog pečata
- Spisak tijela, izdavanja i ukidanja licenci, obuka
- Inspekcija i ocjenjivanje usklađenosti proizvoda, procesa i dokumenata u okviru relevantnih standarda i odredbi

Proizvođači i trgovci drvenim peletima se podvrgavaju nezavisnim revizijama svojih procesa, a uzorci proizvoda se testiraju kako bi se osigurala usklađenost sa standardima.

Svaki certifikovani proizvođač i trgovac drvenim peletima ima jedinstveni **certifikacijski pečat** koji se sastoji od logotipa ENplus i jedinstvenog ENplus ID-a (pogledati primjer certifikacijskog pečata za proizvođača peleta u Belgiji).



BE 023

A deliverable of Heat Wisely, public awareness raising project on biomass-based heating in the Western Balkans



ENplus certifikacijska šema definiše tri klase kvaliteta drveta - ENplus A1, ENplus A2, ENplus B - na osnovu njihovih karakteristika. Svaka od klasa kvaliteta ima jedinstveni logotip kvaliteta koji se koristi u kombinaciji s certifikacijskim pečatom. Kombinacija logotipa kvaliteta i certifikacijskog pečata naziva se **Pečat kvaliteta** (pogledati primjere pečata kvaliteta za klase kvaliteta ENplus A1, ENplus A2, ENplus B).



Vreće peleta su pakirna jedinica za maloprodaju. Vreće peleta mogu sadržavati do 30 kg peleta klase kvaliteta ENplus A1 ili ENplus A2. Pakovanje peleta klase kvaliteta ENplus B u vreće nije dozvoljeno.

Prednosti ENplus certifikacije:

- Znana širom svijeta, s globalnom proizvodnjom i velikom snabdjevačkom bazom
- Dobro definisani zahtjevi kvaliteta koji se održavaju sve do samog krajnjeg korisnika
- Kvalitet osiguran ENplus pečatom

A deliverable of Heat Wisely, public awareness raising project on biomass-based heating in the Western Balkans

